

# 《華嚴經普賢行願品》 補充講表

## ◎附表二十一

○我既往生彼國已，現前成就此大願，一切圓滿盡無餘，利樂一切眾生界。

第二十二願、一生補處

※《佛說無量壽經》卷上云：「設我得佛，他方佛土諸菩薩眾，來生我國，究竟必至一生補

處。除其本願自在所化。為眾生故，被弘誓鎧，積累德本，度脫一切。遊

諸佛國，修菩薩行，供養十方諸佛如來。開化恆沙無量眾生，使立無上正

真之道。超出常倫諸地之行，現前修習普賢之德。若不爾者，不取正覺。」

○彼佛眾會咸清淨，我時於勝蓮華生，親覩如來無量光，現前授我菩提記。

◆以下糝合蓮池大師《阿彌陀經疏鈔》

◆【疏】又蓮華者，往生彼國托質之所。念佛之人，特宜知此。

◆【鈔】托質者，未證無生，生必有托。六趣眾生，則中陰之身，自求父母。往生善士，則一彈指頃，蓮華化生。下文一心不亂，即得往生阿彌陀佛極樂國土，即是生此蓮華中也。是蓮華者，乃卸凡殼之玄宮，安慧命之神宅。：昔有二僧，作蓮華開合想，遂得往生，況復加之一心持名而不生者！（以上糅合《彌陀疏鈔》）

※《圓中鈔》云：「若上上品生，乘金剛台，到即見佛，不涉蓮生而即悟無生，良有以也。」  
△己二、通頌顯眾行益

◆眾行即法行，總共有十種：一、書寫，二、供養，三、轉施（把經書轉送他人，使令受持讀誦），四、聽聞，五、披讀（翻開經本讀），六、受持（領受於心，憶而不忘），七、開示，八、諷誦，九、思惟，十、修習（依文字般若，起觀照般若）。

○即常遠離惡知識，永離一切諸惡道：具此普賢最勝願。（糅合《普賢行願品親聞記》）

◆遠離有二義：一者、善惡相違，猶冰炭不同爐。又者，誦普賢行願品，智慧深故，知如

幻如化，在塵不染，即是遠離惡知識，反假惡知識為善法增上緣。

◆「速見如來無量光」者，誦普賢行願品人，功行深淺不等，故有生化土者，見化身彌陀。有生報土者，見報身彌陀。有證寂光土者，見法身，即是見自他不二之法性佛。末句具普賢願，即圓滿因當得圓滿果矣。

○此人善得勝壽命，此人善來人中生：如彼普賢菩薩行。（糅合《普賢行願品親聞記》）

◆等流果者，如是因，如是果。因果相等，同一流類也。「勝壽命」，非關壽命之長短，而是以能修勝行，不虛度歲月。否則，恣情縱慾，荒廢善行，惡業轉增，將招致苦果無量，即是百歲亦非勝壽命。又以修普賢行願，不虛度時，故名善得勝壽命。善來人中生者，謂此人不空來人中一遭也；不久成就普賢菩薩行，皆等流果也。

○離繫果：往昔由無智慧力，所造極惡五無間，誦此普賢大願王，一念速疾皆消滅。

◆繫者，繫縛苦集二諦，繫縛眾生於生死海中。誦普賢行願品，則離苦集二諦繫縛，曰

離繫果。往昔由無智慧，故造五逆之因，而感五無間之果。

○異熟果：族姓種類及容色，相好智慧咸圓滿。（糅合《普賢行願品親聞記》）

◆如佛生望族，是族姓圓滿。生王種，是種類圓滿。佛下生成佛，即是生於望族王種。佛身有紫摩金色，即容色圓滿；有三十二相、八十種好，即相好圓滿；佛為一切智慧人，即智慧圓滿，皆得力於普賢行願也。

○士用果：諸魔外道不能摧，堪為三界所應供。（糅合《普賢行願品親聞記》）

◆士約人，用約作用。好作用故得好果報，如種田者，得收穫果報。修行者，得降魔乃至成佛果報。誦普賢行願品菩薩，是降魔之人。一切魔王、外道所不能摧，果上堪受三界之供養也。

○頌究竟果：速詣菩提大樹王，坐已降伏諸魔眾；普利一切諸含識。

◆此別頌究竟果，究竟果即成佛果也。「速詣」者，謂誦《普賢行願品》人，成佛極速也。